



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellvs De Angelo Cvstode R. P. Francisci Albertini Soc. Iesv Theologi

Albertini, Francesco

Coloniae Agrippinae, M.D.C.XIV

Cap. 25. De remendiis contra occultas Sathanæ fraudes.

[urn:nbn:de:hbz:466:1-46785](https://nbn-resolving.org/urn:nbn:de:hbz:466:1-46785)

se est, omnes potius spirituales apothecas perscrutari, quā defectu remedij patiamur diabolicā nobis calliditate imponi.

CAPVT XXV. ET VLT.

DE REMEDIIS CONTRA occultas Sathana fraudes.

TRIA præ cæteris assignari solent à sacris Doctoribus efficacissima remedia ad deprehendum vincendumq; secretas diaboli astutias, quibus vt plurimum bonæ voluntatis homines illaqueantur.

Primum remediū

Primum postulare à Deo Coeleste lumen, ita vt secundum Psalmistam, *abyssus abyssum inuocet*, abyssus humanæ ignorantiaë abyssum incomprehensibilis sapientiaë, eoque lumine quotquot à nobis patrantur opera accuratissimè inspiciamus. Tale remedium Iob adhibuisse scribitur, qui ad Deum lo-

loquens, *Verebar*, ait, *omnia opera* Iob. 9.
mea, sciens quod non parceres delin-
quenti.

Eodem usus fuit Propheta Da-
uid, qui eousque in perscrutatio-
ne cordis sui perseverabat, donec
deprehēderet imperfectionum sua-
rum radicem: *Meditatus sum nocte* Psal. 76.
cum corde meo, excitabar & sco-
pebam spiritum meum. Vbi alia le-
ctio habet, *perfordiebam*: ut signifi-
cetur, eum quasi quodam medita-
tionis sarculo penetrasse tandem ad
inordinatam passionem, vnde om-
nes illius imperfectiones scaturie-
bant.

Ad idem meditationis studium
hortatur nos Propheta Aggæus di-
cens, *Ponite corda vestra super vias* Cap. 4.
vestras, comedistis & non estis satu-
rati. cuius rei rationem afferens
Sanctus Gregorius in lib. mor. *Quia*
aliud comedit inquit, *aliud mandit:*
mandit zelum iustitiæ, & come-
dit tamen atrocitatem vindictæ,
 atque

atq; ita passio non æquitate, sed iracundia saturatur. Mandit zelum Dei ac pietatis erga proximum, & nihilominus comedit comoditatem ac honorem proprium, adeoq; amorem sui ipsius nutrit, non dilectionem personæ alienæ, vt copiosius in exemplis hactenus recitatis videre est.

*Secundū
remediū.*

Alterum multò efficacissimum remedium sit, peracto examine eligere Confessarium, discretum, intelligentem & practicum, cui omnia interiora tua, omnesque passiones & occasiones verecundè aperias: obsequaris etiam illi tanquam duci animæ tuæ, nec vnquam consilia ipsius impunè abs te negligi posse existimes; quia non permittet Deus, tantam humilitatem & confidentiam tuam eâ quam quærit, gratia defraudari. Quod si Princeps es & curam subditorū gerere teneris, Confessarium consule, qui optimam tibi gubernationis normam præscribet: Similiter si opulentus es; ille enim & modum docebit diuitias congregandi,

gandi, & regulam dispēfandi, ne per ignorantiam aut iniuriam aliquam in peccatum incurras à quo liberari desiderabat qui precabatur, *Ab oculis meis munda me Domine.*

Approbant autē hoc consilium siue remedium vnà cum D. Bonau. omnes SS. Patres & Ecclesiæ Doctores, qui quidem præsentem materiã aggressi sunt, vt fusius liquet ex Formula viuēdi superius allegata, in qua leguntur ad literã ista verba: *Est igitur consilium omnium Sanct. Patrum, qui hac de re scripserunt, quod bonæ voluntatis eligere debet sibi virum pium, & in sacra pagina benè doctum, cui omne cor suum reuelet; à cuius consiliis non discedat, nisi ipso licentiate, aut certè Spiritu S. reuelante.* Imo etiam aperiendæ sunt Confessario, sententiã Dorothei & aliorum SS. deuotiones, poenitentia & qualescunque consolationes spirituales, quæ sub his quoque Diabolica aliquando deceptionis laquei absconduntur.

v SS. Pa-
tres ibid.

Cassian.
coll. 2. 6.
10.

Et quia discutere conscientiam & cor suum Confessario reuelare

K

scru-

scrupulosis nonnullam molestiam ac periculum creare solet, requiritur etiam in Confessario oportuna discretio; unde scrupulosus hâc quoque parte se illi credere & resignare debet, quia pacē & quietem animi, quam exemerât scrupuli, spiritualis Patris salutari admitione recuperat. Verum est interim, quemadmodum Richardus in explanatione Canticorum notat, decere poenitentem ad Confessionem accedere, non curiositatis studio, siue vt Confessariū ad desiderium suum inclinēt; sed pura ac rectâ intentione discendi ab eo quod diuinę Maiestati grati⁹ accedat, sibiq; utilius, tametsi appetitui sensitiuo contrarium foret, nec nisi difficillimè executioni mandaretur.

*Tertium
remed. n̄.*

Quod tertij remedij locum obtinet, recurre ad Angelum custodē ac precare, vt mentem tuam illuminet; quia procul omni dubitatione proptū experieris, dicetq; tibi tanquam alteri Danieli, *Ego veni vt docerem te.* Vnde Propheta Dauid, quod deprehenderit radicem peccati sui, &

pristinam vitam in melius commu-
tarit, Angelo Custodi acceptum re-
fert; Et dixi, nunc cœpi, hæc mutatio
dexteræ excelsi.

Per dexteram autem Dei notari
Angelos, perspicuè ostendit, vt su-
pra memini, Sanctus Gregorius in
explicatione morali Beati Iob, Hic
custos deteget tibi stratagemata dæ-
monis, qui idcirco in tenebris am-
bulare dicitur, quia transfiguratur se
in Angelum lucis: nisi falsò promi-
serit Propheta Psalmo nonagesimo, *v. sup 24*
Scuto circumdabit te veritas eius, non
timebis à timore nocturno, à sagitta
volante in die, à negotio perambulan-
te in tenebris, ab incurso & dæmonio
meridiano. Sed ex quo capite, dices,
certus ero de consequendâ victo-
ria? audi quæ subijcit: *Quoniam*
Angelis suis mandavit de te, vt cu-
stodiant te in omnibus vijs tuis, in ma-
nibus portabunt te nè fortè offendas ad
lapidem pedē tuum. Et nū aliud quæ-
so denotant tam frequenter visæ in
terris Angelorum legiones, quam cœ-
leste præsidiū, quo muniti vel contra
infer-

Chryf. b. praualemus? id quod Ioannes Chry-
 40. im- softomus elegantiffimâ comparatio-
 perf. in ne, ita explicat: Nam ficut Impera-
 Matth. toris optimi prouifione vrbes omnes,
 vel alius Castellâ fingula manu militari aduer-
 Author fûs hoftilem muniuntur aduētum & c.
 illius lib. Ita & Deus quoniam barbara & agre-
 fti mente rabientes dæmones ad paci-
 euerfionem vbiq; verfantur, ad tute-
 lam noftram conftituit exercitus An-
 gelorum; quorum præfentia quidem
 retunderentur impetus atrociffimo-
 rum hoftium; interceffione verò be-
 atæ pacis ac gratiæ abundantiam cõ-
 fequeremur.

AD MAIOREM DEI
 Deiparæ, & Angelo-
 rum gloriam.

MED

MEDITATIO,
DE BENEFICIIS
Angeli Custodis.

ORATIO PRAEPA-
ratoria.

IMAGINABERIS consistere te
 coram Deo, Sanctis Angelis, ac
 praecipue Custode tuo, qui omnes a-
 ctiones tuas considerat, eumque ora-
 bis, ut impetret tibi abs Deo gratiam,
 fructuosam conficiendi praesentem
 meditationem, & omnia illius diei
 tam corporis quam animae pericula
 euadendi.

Primum punctum.

Perpente primo. Deum assigna-
 se tibi proprium Angelum, id est,
 ducem ac Tutorem, qui promptissi-
 me tibi adsit ita in corporalibus ut
 spiritualibus necessitatibus, & vires
 inimicorum tuorum siue visibilium
 siue invisibilium caelestibus armis
 debilitet.

V. P. Lud.
de Ponie
pulchram
meditat.

De Pro-
uid. Dei
& bene-
ficio, quo
ad Ange-
los custo-
des. Para-
6. med-
34.

K 3

Secun-

Secundum.

Considera secundò, Angelum Custodem præsentare Deo omnia opera tua bona, ac salutem tuam promouere utique maiore diligentia, quam tu ipse in proprijs temporalibus aut spiritualibus negotijs adhiberes. Singulariter etiam tibi assistere in sumptione Venerabilis Eucharistię, vt quò profundiore reuerentia ad illum omnium gratiarum fontem accesseris, eò copiosiora dona exhaurias.

Tertium punctum.

Tertiò. Considera Sancti huius Angeli Maiestatem; & imprimis potentiam; quia gubernare & immutare sufficit omnes creaturas corporeas, in ijsque effectus producere, quos nullæ naturæ vires attingerent. Secundò excellentem scientiam, cum nihil in Mundo hoc agatur, quin ipse intimè perfectissimeque perspiciat. Tertiò incredibilem puritatem; nam creatus fuit in gratiâ, nec vllò vnquam actu diuinam Maiestatem offendit. Et nihilominus Angelus
hic

hic tam potens sanctus ac sapiens,
 ministravit vsque ab articulo natiui-
 tatis tuæ, & seruiet ad mortem vs-
 que tibi vilissimo peccatori, qui to-
 ties ac tam indignè non ipsam dun-
 taxat, sed ipsius omniumque Ange-
 lorum Dominum exacerbasti. Con-
 sidera postremò, Angelum, qui ad tui
 custodiam destinatus est, de nullo
 alio peculiarem curam gerere, quam
 de te: abs te solo igitur reuerentiam,
 & grati animi significationem ex-
 pectat.

S. Th. 1.
 p. q. 113. a.
 2.
 huius
 l. b. 11. c.
 4. circ. ff.

COLLOQVIUM AD AN-
 gelum Custodem.

SANCTISSIMÈ Angele co-
 mes & Custos meus, ex intimo
 corde gratias tibi ago, qui post
 Deum ac beatissimam ipsius Ma-
 trem, summo animi affectu mihi a-
 mandus es, gratias inquam tibi dico,
 pro omnibus beneficijs in me collatis
 vsque ab eo momento, quo corporis
 & anima mea custodiam suscepisti.

L 4 Simul

Simul etiam preterita vita veniam flagito, quia abscondere non possum innumera ac pudenda scelera, quae haecenus coram tuis & Dei nostri purissimis oculis perpetravi; humillimè supplicans, ut ex Thesauro diuinae bonitatis impetrare mihi digneris promptitudinem ac feruorem in rebus spiritualibus. Sic enim illuminatus nonnam auspiciabor vitam, & conuersatione Deo grata, & tua praesentia non indigna perseuerabo. Amen.

EXPEDITO COLLOQVIO
recitabis sequentem hymnum,
cum annexis orationibus.

HYMNVS.

ANGELVS nobis datus est patronus
Dux viae nostrae, medius salutis
Tutor, & recti monitor, magister,
semper, & equus.
Noster est custos, socius minister,
Praeses adiutor, columenq; tutum,
Et decus magnum, volucer parentis
Nuntius alti.

Erigit

*Erigit lapsos, releuat dolentes,
Sanat egrotos, recreat iacentes,
Dirigit cæcos, timidâq; firmat
robore mentes.*

*Corripit lapsus hominum benignè,
Eripit magnis animos periculis
Hostis immitis valide sagittas,
telaq; frangens.*

*Gloriam Patri tribuamus omnes,
Filiij nomen celebrent, & hymni
Spiritus sancti resonent perennes
carmine laudes.*

Verf. Angeli eorū semper vident, allel.

*Resp. Faciem Patris mei qui in calis
est, alleluia.*

OREMVS.

OMNIPOTENS sempiternus Deus, qui me licet indignum ad imaginem tuam creasti, & Angelum tuum sanctū ad mei custodiam deputasti, da mihi seruo tuo illius custodia malorum omnium tantū anime quā corporis pericula feliciter pertransire, & post huius vitæ curricula ad gaudia sempiterna facias peruenire per Dominum nostrum

K s Iesum

Iesum Christum Filium tuū qui tecum
vuit, & regnat in vnitate Spiritus S.
Deus, per omnia secula seculorum.
Resp. Amen.

Angele Dei, qui custos es mei, me ti-
bi commissum pietate saperna hodie il-
lumina, custodi, rege, & gubernā.

Pater noster, &c. Ave Maria, &c.

LITANIAE ET ORATIO-
nes de Sanctis Angelis.

I Litania ad SS. Angelos.

Kyrie eleison.

Christe eleison.

Kyrie eleison.

Christe audi nos. Christe exaudi nos.
Pater de caelis Deus, omnium condi-
tor spirituum, Miserere nobis.

Fili redemptor mundi Deus, in quem
desiderant angelorum ordines
prospicere, Miserere nobis.

Spiritus sancte Deus felicitas super-
narum mentium, Miserere nobis.

Sancta Trinitas vnus Deus, gloria
sanctorum angelorum. Mis.

Sancta

- Sancta Maria Regina angelorū, ora.
 S. Maria Archangelorū dulcedo, ora.
 S. Maria Virtutum suauitas, ora.
 S. Maria Thronorum lætitia, ora.
 S. Maria Dominationum fragran-
 tia, ora.
 S. Maria Potestatum gaudium, ora.
 S. Maria principatum decus, ora.
 S. Maria Cherubin Domina, ora.
 S. Maria Seraphin Princeps, ora.
 S. Michael princeps Angelorum pa-
 cis, ora.
 S. Michael princeps Ecclesiæ, ora.
 S. Michael præliator fortissime, ora.
 S. Michael victor draconis anti-
 qui, ora.
 S. Michael, qui populo Dei semper
 defensor fuisti, ora.
 S. Michael, qui luciferum cum com-
 plicibus rebellibus de cælo detur-
 basti, ora.
 S. Michael, qui accusatorem fratrum
 nostrorum in profundum inferni
 deiecisti, ora.
 S. Michael animarum susceptor, ora.
 S. Michael inductor in paradysum
 exultationis, ora.

726 LITAN. ET ORAT.

- S. Michael solatium fidelium, ora.
 S. Michael protector te colenti-
 um, ora.
 S. Gabriel, qui Danieli diuinam visi-
 onem patefecisti, ora.
 S. Gabriel, qui Ioannis Baptistæ or-
 tum & ministerium præuncia-
 sti, ora.
 S. Gabriel, qui incarnationis Verbi
 diuini nuncius extitisti, ora.
 S. Gabriel Custos B. Virginis Ma-
 riæ, ora.
 S. Gabriel Comes infantie Salua-
 toris, & minister Christi fide-
 lis, ora.
 S. Raphael angele salutis. ora.
 S. Raphael vnus ex septem Angelis,
 qui assistunt ante Dominum. ora.
 S. Raphael, Ananiæ Magni fili, ora.
 S. Raphael Tobie ductor & reductor
 fidelissime, ora.
 S. Raphael dæmonis fugator sapien-
 tissime, ora.
 S. Raphael oblatores orationum ante
 Dominum, ora.
 S. Raphael adiutor in tribulationi-
 bus, ora.

S. Raphael

DE SS. ANGELIS. 227

- S. Raphael cōsolator in angustijs, ora.
S. Raphael Tobiaë senioris illuminator optime, ora.
S. Raphael gaudium faciens deuotè tibi seruientibus. ora.
S. Angeli, electos Dei conseruantes, orat.
S. Angeli dignissimi munera cælestia deferentes, orat.
S. Angeli præclarissimi regna terræ custodientes, orat.
S. Angeli nobilissimi principatus protegentes, orat.
S. Angeli prudentissimi, dominos & reges peculiari cura regētes, orat.
S. Angeli fortissimi, dēmonis potentiam comprimentes, orat.
S. Angeli fidelissimi Dei ministri, homines custodientes, orat.
S. Angeli dulcissimi hominum malitias temperantes, orat.
S. Angeli benignissimi, in conuersione peccatorum latantes, orat.
S. Angeli pijsissimi, bona omniū mortalium Deo præsentantes, orat.
S. Angeli humanissimi prophetas erudientes, orat.
S. Angeli

128 LITAN. ET ORAT.

S. Angeli nuncij præstantissimi A-
postolis occurrentes, orat.
Sancti Angeli potentissimi, Ecclesi-
am Dei defendentes, orat.
Omnes sancti Angeli, ante thronum
Dei seruietes, Custodite nos.
Per nobilissima naturæ vestræ diuinæ
manera; Illuminate nos.
Per virtutem vestram nobis ineffabi-
lem, Protegite nos.
Per voluntatē vestrarū ardentissimā
charitatem, Defendite nos.
Per gloriam & beatitudinem ve-
stram, Dirigite nos.
Christe beatitudo ange l oū, te rog.
Christe dec^o cælestiū spirituū, te rog.
Christe splendor supernorum exer-
cituum, te rog.
Per Cherubin lignum vitæ custodi-
entem, te rog.
Per angelum benedictionem tuam
Abrahæ denunciantem, te rog.
Per Ange os ortum Isaac prædican-
tes, te rog.
Per angelum immolationem Isaac
prohibentem, te rog.
Per angelos ascendentes & descen-
dentes

DE SS. ANOELIS. 229

- dentēs super scalā Iacob, te rog.
Per angelos Lothē medio peccato-
rum educentes, te rog.
Per angelos diuinam legem Moyſi
tradentes, te rog.
Per sanctos Angelos, iugiter Deo Sā-
ctus, Sanct⁹, Sanct⁹ cōciētes, te rog.
Per angelum ortum Ioannis Baptiste
prædicentem, te rog.
Per angelos natiuitatem tuam pa-
storibus nunciantes, te rog.
Per angelorum multitudinem simul
laudantium te & dicentium
Gloria in excelsis Deo. te rog.
Per angelos tibi in deserto mini-
strates, te rog.
Per angelū te in agonia confortan-
tem, te rog.
Per angelos iuxta sepulchrum tuum
in albis sedentes, te rog.
Per angelos te in cælum ascendentē
discipulis apparentes, te rog.
Per angelum Lazari animam in sinū
Abrahæ deportantem, te rog.
Per angelos hostium exercitus fre-
quenter dissipantes, te rog.
Per Angelos sanctos martyres in tor-
mentis consolantes, te rog.

230 LITAN. ET ORAT.

Per omnes angelos tuos, vt nobis
parcas, ad eorumque societatem
perducas, Te rog.

Vt Angelis tuis mandes de nobis, vt
custodiant nos in omnibus vijs
nostris, te rog.

Fili Dei. te rog.

Agnus Dei, qui tollis peccata mūdi;
Parce nobis Domine.

Agnus Dei, qui tollis peccata mundi;
Exaudi nos Domine.

Agnus Dei qui tollis peccata mundi;
Miserere nobis.

Christe audi nos; Christi exaudi
nos.

Kyrie eleison. Christe eleison Kyrie
eleison Paternoster. Et ne nos in
ducas. Sed libera nos.

Psalms ad SS. Angelos ex varijs Psal.

Laudate Dominum de cælis: lau-
date eum in excelsis.

Laudate eum omnes angeli eius: lau-
date eum omnes virtutes eius.

Benedicite Domino omnes angeli,
potentes virtute, facientes verbū
illius: ad audiendam vocem ser-
monum eius.

Benedi-

DE SS. ANGELIS. 231

Benedicite Domino omnes virtutes
eius; ministri eius, qui facitis vo-
luntatem eius.

Benedic anima mea Domino: & noli
obliuisci oēs retributiones eius.

Qui redimit de interitu vitam tuam:
qui coronat te in misericordia &
miserationibus.

Quoniam angelis suis mandauit de
te, vt custodiant te in omnibus
vijs tuis.

In manibus portabunt te; ne forte
offendas ad lapidem pedem tuum.

Super aspidem & basiliscum ambu-
labis; & conculcabis leonem &
draconem.

Immittet angelus Domini in circui-
tu timentium eum: & eripiet eos.

Gloria Patri & Filio, & Spiritui san-
cto. &c.

Preces.

In conspectu angelorum, psallam
tibi Deus meus.

Adorabo ad templum sanctū tuū
& confitebor nomini tuo Domine.

Domine exaudi orationē meam.
Et clamor meus ad te veniat.

Oremus.

Oremus.

DEVS qui miro ordine angelorū ministeria hominumq; dispensas, concede propitius, vt à quibus tibi ministrantibus in cælo semper assistitur, ab his interra vita nostra muniatur. Per Christum Dominum nostrum.

Verf. Diuinum auxilium maneat semper nobiscum.

Resp. Amen.

II. Oratio ad omnes sanctos Angelos.

O boni angeli curam hominum continuam habentes, attendite ministerium vestrum ad custodiam nostram, dirigentes cogitatus, verba & actus nostros in viam salutis & prosperitatis, vt mandatorum Dei voluntarij cultores numerum vestrorum ordinum (qui casu Luciferi diminutus est) valeamus diuina largiente misericordia adimplere feliciter.

III. Alia

III. *Alia ex Antidotario Nic. Saliceti.*

O mnes sancti Angeli, & Archangeli, Throni, & Dominationes, Principatus, & Potestates, virtutes, Cherubin, & Seraphin, omnia agmina beatorum Spirituum, fundite pro me preces ad Dominum, ut me liberet à peccatorum vinculis, & illustrare dignetur virtutum studijs, & defendat ab aduersitatibus cunctis, & postremò iungat me vestris sanctis consortijs, Amen.

IV. *Alia P. Canisii.*

Laudemus Dominum, quem sine fine laudant caelestis curiae ciues, Michaël, Gabriel, Raphael, Seraphin, Cherubin Throni, Dominationes, Principatus, Potestates, Virtutes, Archangeli, & Angeli omnes innumerales; qui in nouem ordines inde ab initio pulchrè distributi, summa cum gloria in caelo sanctissimæ Trinitati semper assistunt, diuinas illi laudes noctes ac dies indefesse conuincunt, ac nobis etiã non minus fideliter quã amanter in terris ministrant, nostrique curam assiduam gerunt.

V. *Alia*

*V. Alia eiusdem ad beatos Angelos
propriumq; Custodem
Precatio.*

QVoniam superbi, inuidi, perui-
caces, callidi, & in perniciem
nostram coniurati hostes sunt dæ-
mones, qui bonam hominum par-
tem decipiunt, deprauant, atq; per-
dunt, vestram imploramus opem cę-
lestes & angelici spiritus, administri
Dei, vt in vita & morte nobis infir-
mis non præualeant tam multi fero-
ces, versipelles, ac potentes aduersa-
rij, sed contra illorum insidias die ac
nocte nobis assistatis, nosque in hac
assidua pugna propugnetis fidefi-
ter.

Peculiariter autem tuæ tutela
commendo me sancte Angele, cui
me vsque custodiendum diuina bo-
nitas commendauit; Duc, quæ so, cę-
cum, ignorantem instrue, imbecil-
lum conforta, pupillum tuere, errā-
tem reduce, pigrum impelle, dormi-
entem excita, gradientem promoue,
& extremam illam difficilemq; lu-
ctam, quæ cum demonibus & morte
ipsa

DE SS. ANGELIS. 235

ipsa futura est, mihi felicē esse pro-
cura, vt in vestrum consortium mi-
grans anima mea, cū vicerit, lætē
decantet: laqueus contritus est, &
nos liberati sumus.

VI. Hymnus de SS. Angelis.

Tibi Christe splendor Patris,
Vita, virtus cordium
In conspectu Angelorum
Votis voce psallimus?
Alternantes concrepando
Melos damus vocibus.
Collaudamus venerantes
Omnes cali milites,
Sed præcipuè primatem
Cælestis exercitus
Michaelē in virtute
Conterentem Zabulōs.
Quo custode procul pelle,
Rex Christe pijsime,
Omne nefas inimici
Mundo corde & corpore,
Paradiso redde tuo
Nos sola clementia.
Gloriam Patri melodis
Personemus vocibus,
Gloriam Christo canamus,
Gloriam

Gloriam paraclito,
 Qui trinus & vnus Deus
 Extat ante secula.

Amen.

VII. Alius Hymnus.

CHriste sanctorum decus Angelo-
 rum,

Rector humani generis & auctor,
 Nobis aeternum tribue benignus
 Scandere calum.

Angelum pacis Michael ad istam
 Caelitus mitti rogitamus aulam:
 Nobis vt crebro veniente crescant

Prospera cuncta.

Angelus fortis Gabriel vt hostem
 Pellat antiquum, volitet ab alto
 Sæpius templum veniens ad istud

Visere nostrum

Angelum nobis medicum salutis
 Mitte de calis Raphael, vt omnes
 Sanet egrotos pariterq; nostros

Dirigat actus.

Hinc Dei nostri genitrix Maria,
 Totus & nobis chorus Angelorum
 Semper assistat, simul & beata

Concio tota.

Præstet hoc nobis Diætas beata

Patris

LITAN. ET ORAT. 237

Patris ac Nati, pariterque sancti
Spiritus, cuius reboat in omni
Gloria mundo.

Amen.

VIII. Alius Hymnus.

AVete mentes lucide,
Nostra salutis vindices,
Caelestis orae nuncij
Regis superni milites.
Intra Tonantis regiam
Choros agentes psallitis,
Lyris, melodis, organis,
Tribunal ante iudicis.
Vos in Dracones Tartari
Bellum cietis perpetuum
Et nos ab orci faucibus
Manu potenti tollitis.
Adeste cœtus inclyti,
Adestetot periculis,
Et nos volatu perpetuo
Inferte calis edibus.
Summo parenti calitum,
Magnaeq; proli Virginis
Sancto simul Paraclito,
Sit summa laus & gloria,
Amen.

IX. Li

238 LITAN. ET ORAT.
IX. LITANIAE AD SANCTVM
Michaelem Archangelum.

K yrie eleison.

Christe eleison.

Kyrie eleison.

Christe audi nos.

Christe exaudi nos.

Pater de cælis Deus, miserere nobis

Fili Redemptor mundi Deus, *mis.*

Spiritus sancte Deus, *mis.*

Sancta Trinitas vnus Deus, *mis.*

Sancta Maria Regina Archangelo-
rum, *ora pro nobis*

S. Michael Archangele, *ora*

S. Michael Princeps gloriosissime, *ora*

S. Michael vnus de principibus pri-
mis, qui astant corâ Domino, *ora*

S. Michael Preposite Paradisi, *ora*

S. Michael Princeps militiæ cælestis,
qui prælium cum dracone com-
misisti, *ora*

S. Michael, qui fortis in prælio vi-
ctoriam fecisti, *ora*

S. Michael, qui draconem cum An-
gelis apostaticis de cælo deru-
basti, *ora*

S. Michael, qui Luciferum cum
com-

LITAN. ET ORAT. 25

complicibus rebellibus in profundum Tartari demersisti, ora.

S. Michael, qui accusatorem fratrum nostrorum in abyssum inferni deiecisti, ora.

S. Michael, Dei nuncius pro animabus iustis, ora.

S. Michael, qui gloriosus apparuisti in conspectu Domini, ora.

S. Michael, qui decore indutus es à Domino, ora.

S. Michael, qui stas pro filijs Dei ora.

S. Michael, qui constitutus es Princeps super omnes animas suspiciendas, ora.

S. Michael, qui stas in auxilium pro animabus iustis, ora.

S. Michael, qui missus es in adiutorium populo Dei, ora.

S. Michael, cui traditæ sunt omnes animæ sanctorum, ora.

S. Michael, qui animas sanctorum perducis in paradysum exultationis. ora.

S. Michael, qui populo Dei defensor semper extitisti, ora.

S. Michael, qui hostes populi Dei sæpè dis-

L

pè dis-

216 LITAN. ET ORAT.

- dissipasti & contriuisi, ora.
S. Michael, qui sanctis Patribus sapè
apparuisi. ora.
S. Michael qui Prophetis arcana &
mysteria reuelasti, ora.
S. Michael, qui pro populo Dei ma-
gna & mirabilia es operatus, ora.
S. Michael, qui stas iuxta aram tem-
pli, habens thuribulum aureum in
manu tua, ora.
S. Michael, cui data sunt incēsa mul-
ta adolēda ante altare aureū. ora.
S. Michael, de cuius manu ascendit
fumus aromatum in conspectu
Domini. ora.
S. Michael, cuius honor præstat be-
neficiam populorum, ora.
S. Michael, cuius oratio perducit ad
regna cælorum, ora.
S. Michael Archangele,
Agnus Dei, qui tollis peccata mū-
di; Parce nobis Domine.
Agnus Dei, qui tollis peccata mū-
di; Exaudi nos Domine.
Agnus Dei, qui tollis peccata mū-
di; Miserere nobis.
Christe audi nos. Christe exaudi nos.
Kyrie

Kyrie
Kyrie
Ven
Ref
Ven
o
Ref
iud
Ven
Ref
B
glo
teg
cō
te
str
ter
mi
X
C

DE SS. ANGELIS. 217

Kyrie eleison. Christe eleison.

Kyrie eleison. Pater noster.

Vers. Et ne nos, &c.

Resp. Sed libera nos, &c.

Vers. Sancte Michael Archangele,
defende nos in prælio.

Resp. Vt non pereamus in tremendo
iudicio.

Vers. Domine exaudi orationē meā.

Resp. Et clamor meus ad te veniat.

Oratio.

BEati Michaelis Archangeli tui,
quæsumus Domine, intercessio
gloriosa semper & ubique nos pro-
tegat, & ad vitam perducatur æternā.

Beati Archangeli tui Michaelis
cōmemoratione lætantes, supplices
te Domine deprecamur, vt quod no-
stris meritis non valeamus, eius in-
tercessione consequamur. Per Do-
minum nostrum, &c.

X. *Pia oratio Ad Archangelū Michae-
lem, ex Missa D. Ioan. Chryso-
stomi.*

CÆlestis militiæ Princeps Mi-
chael, rogamus te nunc indigni,

L 2

vt tu-

vt tuis intercessionibus munias nos
 vmbra immateriatæ naturæ tuæ cu-
 stodiens nos, procidimus, & sine in-
 termissione ad te clamamus, à peri-
 culis erue nos, vt virtutum Princeps
 cælestium, Amen.

XI. *Alia Nic. Saliceti in Antid.
 anima.*

SANCTE Michael Archægele Domi-
 ni nostri Iesu Christi, qui venisti
 in adiutorium populo Dei: subueni
 mihi apud altissimum iudicem, vt
 mihi peccatori donet remissionem
 omniū peccatorum meorū, propter
 magnam miserationum suarum cle-
 mentiam. Exaudi me clamantem,
 sancte Michaël, atque invocantem
 te, & adiuua me maiestatem Domini
 deprecantem; & interpella pro me
 gemiscente, & fac me castum ab om-
 nibus peccatis meis. Insuper obse-
 cro te præclarum atque decorum
 summæ diuinitatis ministrum, vt in
 nouissimo die benigne suscipias ani-
 mam meam in sinu tuo sanctissimo;
 & perducas eam in locum refrigerij,
 pacis, & quietis, vbi sanctorum ani-
 mæ

ma cum lætitia & inenarrabili gaudio futurum iudicium, & gloriã beatæ resurrectionis expectant. Amen.

XII. *Alia ad S. Michaelẽ eiusdem.*

Summæ sedis minister, Princeps militiæ cælestis, & signifer curiæ supernorum, sancte Michael, Angele pijsime, Archangele placidissime, tibi corpus & animam meã totã intentione tuendam committo, tibi specialiter post Deum, Deique genitricem vitæ & mortis meæ curam commendo. Adesto quæso mihi dum vivo, vt omnes actus meos ad Dei voluntatem faciendam dirigas, vt me ab insidijs inimici, & ab omnibus malis visibilibus & inuisibilibus liberet. Succurre mihi quæso, in hora mortis meæ, & festina in auxilium meum cum Angelorum multitudine vt brachium peccatoris & maligni aduersarij mei conteras apprehende arma & scutum, & exurge in adiutorium mihi, vt animam meam de faucibus impij draconis eripias, & eam comitantibus angelis lucis in sinum Abrahæ in requiem sempiternam

nam cum exultatione perducas.

XIII. *Ex prosa de S. Michael.*

Summi Regis Archāgele Michael,
 Sintende quæsumus nostris preci-
 bus; te namque profiteamur esse su-
 pernorum ciuiū Principem. Tu De-
 um obsecra pro nobis, vt mittat au-
 xilium miseris. * Audi nos Michael,
 Archangelē summe, tu palam des-
 cende de poli sede, nobis ferendo o-
 pem Domini, atq; leuamen indul-
 gentiæ. Tu nostros, Gabriel, hostes
 prosterne. Tu Raphael ægris adfer
 medelam, morbos absterge, noxas
 dilue, nosque fac interesse gaudijs
 beatorum.

XIV. *Alia ad S. Michaelē Archang.
 P. Canisii.*

Cælestis militiæ Princeps qui
 gloriose de hostibus maximis
 triumphasti, & Ecclesiam Dei forti-
 ter vsque propugnans, sanctissime
 Michael, per quem diuina virtus
 multa & præclara præstitit atq; præ-
 stat veni in adiutorium populo Dei,
 & militanti Ecclesiæ contra impios
 procura victoriam, nosque simul ad
 uersus

uersus diabolicos insultus in vita & morte patrocinio tuo defende, & subleua. Princeps gloriosissime Michael Archangele, esto memor nostri vt hic & vbique semper Filium Dei pro nobis preceris.

XV. De S. Raphael.

DEus qui ex tua ineffabili bonitate beatum Raphaelem fidelibus tuis viatoribus ductorem, maleque habentibus medicum ab initio constituisti: te suppliciter rogamus, vt nobis implorantibus opem dicti principis adstantis, patefacias semitam salutis, & ægritudinum tam animæ quam corporis salutarem medelam concedas.

Deus qui per Angelum Raphaelem vtrumque Tobiam à cunctis liberasti periculis, præsta quæsumus veodem pro nobis intercedente angelico suffragio ab omnibus nos mentis & corporis hostibus tuearis & ad patriam perducas æternam, Per Dominum nostrum.

XVI. *Vt Dominus mittat suum sanctum Angelum in tuam custodiam.*

Ea Iesu Princeps pacis, magni Cōsilij Angele, tu ipse sis mihi semper Dux à dextris, & custos huius meæ peregrinationis, ne commouear & errem abs te. Et mittere dignare sanctum Angelum tuum de cœlis, qui sub tua pia protectione sollicitus sit de me, & in tuo beneplacito dirigat me, atque in via tua perfectum ad te ipsum reducat me.

XVII. *Alia ad Dominum, vt dignè obseruare valeas S. Angelum Custodem.*

Omnipotens & misericors Deus, qui hominē ad imaginem tuam formasti, & ei Angelum corporis & animæ custodem tribuisti; concede propitius Angelo mihi deputato tantum honorem impendere, vt me sua protectione visitet, & defendat ab omni incurssione diaboli, vigilante, dormientem, orantem, ac diuinis officij tibi seruientem, omnibus horis ac momentis; nec non in hora disces-

discessionis meæ Angelos malos à me depellat, bonosque mihi associet & animam meam ad te, qui verè Paradisus es, feliciter perducatur.

Omnipotens & misericors Deus, qui nos angelica custodia munire dignatus es, concede quæsumus, ut tanta protectione securi & à pravis cogitationibus liberemur in mente, & ab omnibus aduersitatibus eruemur in corpore.

Cornelij Musii.

Omnipotens & misericors Deus, qui singulari amore erga me tuam etiam Angelum peculiarem, Verborum & actuum meorum inspectorem & testem, custodem & tutorem addidisti; Da ut illum meum, te ordinante, ministrum, & vitæ meæ moderatorem ita obseruem ita reuerear, ut nihil vnquã illius præsentia indignum committens, rectis virtutum semitis eius ductu diligenter insitã, & ab obliquis vitiorum itineribus sapienter deflectam.

XVIII, Ad S. Angelum Custodem

Oratio.

L. 5

Saluè

Salue Angele Dei sancte custos animæ & corporis mei; per dulcissimum cor Iesu Christi salue. Pro amore eius, qui te & me creauit; pro amore eius, qui me tibi commendauit in baptisate, in curam tuæ fidelissimæ paternitatis, suscipe me ut adiutus à te immaculato calle transeam huius vitæ torrentem, quousque tecum lætus perueniam ad videndam illam mellifluam, quam tu vides, faciem, & illam incundissimam diuinitatis speciẽ, quæ exuperat omnis suauitatis dulcedinem. O sancte Angele, gratias tibi ago pro pietatis tuæ cura fidelissima, quam erga me indignum demonstrare non cessas: custodi quæso semper animam meam, & corpus meum. Adiuua me etiam in hora mortis meæ, Amen.

*XIX. Alia ad S. Angelum Custodem,
ex Hort. B. M. V.*

Custos mi Angele gloriose, qui ex cælesti hierarchia fuisti diuinitus ab ortu natiuitatis meæ ex uero, ad mei custodiã deputat^o: te deprecor humiliter & deuotè, ut me tibi

com^o

commissum sit illumines, munias, & defendas, propulso maligno hoste, vt non solum à malis compescas operibus, sed etiam ad bonum tua virtute sollicites & inducas, ac tuo demum opitulante patrociniò me tuum conciuem facias & superiorum. Per Dominum nostrum.

XX. Alia antiqua oratio ad Ang. Cust.

Obscuro te, angelice spiritus, cui ego indignus peccator ad prouidendum commissus sum, vt indefinenter protegas, defendas, mundes, munias me ab omni incurso diaboli, vigilantem, dormientem, ac vbiunque fuero. Repelle à me per virtutē sancte crucis omnem tentationem Sathanæ, & quod me non exigunt merita, tuis precibus obtine apud altissimum iudicem, vt nihil loci in me habeat. Cumque per abrupta viarū me deuiasse videris, per semitas iustitiæ ad saluatorem, meum reducere me fatagas. Et in quacunq; tribulatione vel angustia me esse perspexeris, auxilium Dei omnipotētis

L. 6 tuo

26 LITAN. ET ORAT.

tuo obtentu & precamine mihi ad-
esse sentiam. Precor te, mi custos, si
fieri potest, notum mihi facies finem
meum, diemque obitus mei; & cum
de corpore eductus fuero, non per-
mittas me à maligno spiritu terreri,
neque in foueam desperationis de-
duci; Non dimittas me, angelice
spiritus, donec ad visionem ipsius
conditoris mei perducas me, vbi si-
mulego pro opere, tu pro custodia,
vna cum beatissima Dei genitrice
Maria, & omnibus sanctis, Domino
adiuuante lætemur.

XXI. *Alia Petri Michaelis, in pre-
cationibus, orat. 63.*

O coelestis Custos meus, ex nume-
ro administratoriorum spirituum,
qui missi sunt in ministerium eorum
qui hereditatem capiunt salutis, ex
quo sanctissimo & purissimo coetu
conspectui Dei adstantium, Dei pro-
uidencia te mihi donauit, vt me du-
cas; dirigas ab eo; quod salutis meae
officit, ad id, quod ad eam mihi ad-
miniculo esse potest. Quamquam au-
tem,

rem, o sacer minister, & fidelissime
Custos meus, in obedientia mea, qua
Deo & tibi me obstreperum saepe
exhibui, teque in ministerio tuo con-
tristavi, crebro meruerim, vt sollicita
tua cura & custodia destituar: nihil-
ominus tamen propter communis
Domini & regis nostri Christi, qui
non vult mortem peccatoris, sed
magis vt conuertatur & viuat, mise-
ricordiam infinitam te oro, vt pro
me ante thronum gratiae Dei fidelis
intercessor assistas, atq; obtineas, ne
me tua custodia vnquam deserat, vt
ne in lapidem offensionis, & petram
scandali offendam pedem meum, ne-
ue super me cadens, grauissimo iudi-
cij sui pondere me conterat; sed
potius, vt sit ipse Saluator meus gra-
tia doctrina, & exemplo, petra refu-
gij, in quo semper exaedificatus
cito cresciam in sanctum
templum eius.

Amen.

SIN-

SINGVLARE EXERCITI-
um deuotionis erga B. Mariam Virgi-
nem quod magno cum fructu spiri-
tuali per integrum annum ad-
hiberi potest.

Singulis annis. Die Annūtiationis,
Saut alia quapiam B. Virginis festi-
uitate (quā singulari animi deuotio-
ne celebrare cupis) eleemosynā ali-
quam (veluti pensionē annuam, ei-
dem beatissimæ Virgini debitam,)
pauperibus distribuere: simulque in
in perpetuum eius seruum temetip-
sum offerre, consecrare, ac mancipa-
re debes.

Singulis mensibus visites, vel
tuo nomine visitari cures Xenodo-
chia, Nosocomia, aliave loca, in qui-
bus pauperes, aut infirmi degunt; il-
losq; eleemosyna aliqua corporali
aut spiritali, ob D. Virginis amo-
rem, adiuues.

Singulis septimanis sanctissimis
Confessionis, & Eucharistiæ Sacra-
mentis vttere, minimum saltem con-
fessionem non negliges, cum hoc sit
remedium præsentissimum eradi-
candi

MARIAM VIRGINEM. 229

candi omnia peccata, conseruandi & augendi gratiã & amorem Dei, ac B. Mariæ Virginis. Præterea singulis dieb. Sabbathinis, (qui specialiter honori huius Virginis sūt cōsecrati) singulare aliquid in honorem eiusdem gloriosæ Dei Genitricis peragere studeas, v.g. ieiunare, corpus disciplina aut cilicio castigare, simile mortificationis genus exercere.

Singulis diebus coronam integrã, aut tertiam partem Rosarij, aut Litanias B. Virginis, aut minimum quindicies Angelicã salutationem in honorem & memoriam 15. præcipuorũ mysteriorũ vitæ & Passionis Christi Domini, eidẽ B. Virgini offeras, pro exaltatione S. Catholicæ Ecclesiæ, conuersione infidelium & hæreticorum & pro animabus fidelium defunctorum in purgatorio. qui legere sciunt singulis diebus vnum Capitulum ex libro, de contemptu mundi, aut ex alio quopiam libro legant.

Singulis horis cor ad B. Mariam Virginem eleuãdo, dicas Maria Mater gratiæ, & c.

FOR-

230 COMMEND. AD B.V.
FORMULA OFFERENDI
se beatæ Virgini.

SANCTISSIMA Virgo Ma-
ter DEI MARIA, ego N. li-
cet vndecūq, qui recipiar in numerum
tuorum seruorum, indignissimus, fre-
tus tamen pietate tua mirabili, & im-
pulsus tibi seruiendū desiderio; eligo
te hodie coram Angelo meo Custode,
& curia celesti vniuersa, in meam
peculiarem Dominam, Patronam, Pa-
rentem: ac firmiter propono te in po-
sterum sequi, tibi famulari, atq, cu-
rare, vt ab alijs quoq, tibi seruitium
exhibeatur.

A te ergo, Mater clementissima per
sacratissimum, quem pro me IESVS
CHRISTVS filius tuus sanguinem
sudit, peto suppliciter, vt me in co-
ram, qui se tibi deuouerunt, numerum
admittere digneris in seruitiū perpetuū
& mihi à Deo gratiam impetres vt in
cunctis, meis cogitationibus, verbis, ope-
ribus ita me habeam vt nil il vnquam
ex me neq, Dei, neq, tuis oculis displic-
ceat, sisq, memor mei in hora mortis
mea Amen.

FORM V-

FORMVLA EXERCENDI
actum Contritionis.

DOMINE mi IESV CHRI-
STE, fili Dei viui, qui verus
ipse DEVS es, verus homo, Creator
& Redemptor meus, quia amo te su-
per omnia, doleo sume ac ex toto corde
poenitet me, quod te offenderim sum-
me sanctum, fontem omnis bonae volun-
tatis, auctorem gratiae. Statuo firmi-
ter nunquam me amplius peccaturum
& ab omnibus peccandi occasionibus
me remoturum, ac omnia peccata rite
confessario detecturum omnemq;
quam ille mihi poenam iniunxerit, obi-
turum. omnia quoque mea opera, &
libores, ac totam vitam tibi offero ad
satisfaciendum pro delictis meis. A tua
ergo infinita bonitate, & clemētia peto
suppliciter (quam & me spero per tu-
um pretiosum sanguinem, & merita
impetraturum) peccatorum veniam
& gratiam ad vitam recte instituen-
dam, & ad perseuerandum in bono
vsq; ad mortem.

Aduer-

332 INDVLGENTIAE

Aduerte actum contritionis non solum ore, sed etiam attento corde perficiendum esse. Et si ita fiat, sufficere diuino fauore ad quemuis enorme peccatorem in gratiam restituendum. Sed quia credimus aliquando nos debite contritos esse, nec tamen reuera sumus, operæ pretium est pro maiore certitudine adiungere actui contritionis Sacramentū Confessionis, quo ut merita sanguinis Christi nobis applicantur, ita imperfectus dolor siue attritio perficitur, ac mutatur in veram contritionem.

INDVLGENTIAE MILLE
dierum, concessæ recitantibus ad sonum horologij Salutationem Angelicam.

QVO magis antiqua erga Deiparā Virginem, deuotio exciteur, Leo foel. record. Papa X. & post eum Sanctiss. D.N. Paulus V. confirmauit indulgentias mille dierum omnibus fidelibus, qui ad sonum horologij dixerint semel salutationem Angelicam, vt refertur latius in meditationi-

APPARIT. ANGEL. 233
tionibus Reuerend. Domini Domini
nici Florelli S. Domus Lauretanæ
beneficiati, Bononię impressis.

Ad memoratum horologij sonum
prodest etiam meminisse Angeli Cu-
stodis, qui eadem horâ non aliter at-
que nutrix infantem in manib' por-
tauit te. Vide quæ præmissimus c. 21.

APPARITIO-
NES ANGELORVM
COLLECTAE EX SACRA
Scriptura, & sanctorum Patrum
expositione obiter elu-
cidata.

APPARET Angelus Agar an- *Cap. 16.*
cillæ Abrahamæ, eamque incre-
pat, quod fugam inierit. fol. 142. 160
Tres Angeli apparent Abrahamæ. *Gen. 18.*
fol. 49

Angelus apparet Agar, eiq; fon- *Gen. 21.*
tem ostendit quo infantulum suū præ-
siti moribundum reficiat. fol. 264.

Angelus prohibet Abrahamæ, nè fi- *Gen. 22.*
lium suum sacrificet. fol. 173

Apparet

- Gen. 31.* Apparet Angelus in somnis Iacob, eumque docet quâ arte consequi possit, ut oves nascantur maculosa. 165.
- Gen. 32.* Ad defensionem Iacob integræ Angleorum legiones se se exhibent. 10.
- Ibidem.* Apparent Iacob Angeli ascendentes & descendentes per scalam. 57. 107.
- Exod. 4.* Apparuit Angelus Moyfi in itinere eumque occidere voluit. 161
- Exod. 14.* Apparet populo Israelitico in deserto sub formâ nubis & ignis 174. 175.
- Exod. 19.* Duo Angeli apparent Loth, quorum vnus destinatus erat, ut hunc ab incendio liberaret, alter ut ciuitatem destrueret. 174
- Exod. 20.* Apparens Angelus Deum representat, & tabulas tradit legislatori Moyfi. 7
- Exod. 25.* Angeli cooperiunt Propitiatorium, vultibus mutuo in se conuersis. 1. 91
- Exod. 26.*
- Num. 22.* Apparet Angelus & euaginato gladio vindictam interminat. 138.
- Appa-

ANGELORVM. 235

Apparet Angelus Iosue, & non Iosue 5.
contentus ab eo adorari, præcipit
etiam calceamenta exui. 187

Reprehendit Angelus Israelitas, Iudic. 2.
quia præcepto suo parere neglexe-
rant. 142

Apparet Manue eiusque vxori, & Iudic. 13.
amborum sacrificium suscipit. 177

Ministerio Angelorum dirigitur 3 Reg. 13.
coruus, vt cibum deferat Helix. 164.
165

Angelus subcineritio pane Eliam 3 Reg. 19.
refecit. 146

Angelorum exercitus Elifæo ap- 4 Reg. 6.
paret. 314

Interficit Angelus vnâ nocte in 4. Reg. 19.
castris Assyriorum centû octoginta
quinq; virorum millia. 177

Adiungit se Raphael itineris comi Tob. 12.
rem iuniori Tobix. fol. 40. 129. Eum-
que à dæmone liberat. 159

Ministerio Angelorum descendit Psal. 97.
de cælo manna. 165

Apparet Esaiæ Angeli sub spe- Esa. 66.
cie exercitus instructi equis & qua-
drigis. 9

Apparet Angelus Ezechieli vasa Ezech. 9.
mortis

236 APPARITIONES

mortis ostentans & signum Thau. 173

Dan. 3.

Angelus transfert Prophetam Abacuc cum prandio messoribus preparato ad Danielelem. 164

Ibidem.

Refrigerat Angelus tres pueros in fornace Babylonicâ, & sex illis beneficia præstat. 65.66.

Dan. 6.

Defendit Danielelem à Leonibus. 66

Dan. 10.

Apparens Danieli dicit Principè Persiæ perlongasse captiuitatem populi Israel, eumq; fuisse vnum de numero spirituum Beatorum. 74. 75

Dan. 10.

Apparet Danieli. 74. 75

Zach. 3.

Apparet Danieli. 57

Angeli apparentes Iesu summo Sacerdoti, defendunt eum à dæmone, qui dexterâ ipsius tenens, de grauissimis eum criminibus accusabat. 177

Ibidem.

Videt Zacharias Angelum sub figura septem oculorum. 174

2. Mach. 11.

Apparet Angelus Iudæ Machabæo ad instar equitis armati lorica & casside aureâ, qui exercitum præeedebat. 11

2. Mach. 10.

Duo Angeli Iudam Machabæum medium tenentes ab inimicis defendunt. 71

Matt. 4.

Angeli ad Christum accedunt, vt
si mi-

ANGELORVM. 237

ei ministrent, non opem ferant. 29

Angelus Christum confortat, & *Luc. 22.*
quidnam hæc confortatio sibi velit.

30. 41.

Angelus de cœlo descendens pi- *Ioan. 5.*
scinam commouet. 166

Angelus apparens Apostolis, eos *Act. 5.*
de carcere liberat. 100

Idem beneficium B. Petro præ- *Ibid. 6. 12*
stat. 154

Vidit Ioannes Angelos, refræna- *Apoc. 3.*
re ventos. 15

Apparent Angeli B. Ioanni sub *Apoc. 5.*
imagine septem cornuum. 174

Apparet alius eidem Ioanni caput *Apoc. 10.*
præ se ferens circumfusum Iride. *ibid.*

Videt Ioannes prælium iniri inter *Apoc. 4. 1*
Angelos bonos & malos. 87

Apparet Angelus Ioanni ge- *Apoc. 14.*
stans in manu librum Euangelij.

175

Omnes apparitiones, quæ Deo in
sacris literis ascribuntur, factas fuis-
se ministerio Angelorum vide fol.

6

APPA-

APPARITIONES COLLECTÆ
ex historijs Ecclesiasticis.

Apparet Angelus incredenda pulchritudine Theophilæ virginis, eiusque castitatem propugnat. fol. 45

Numerosus Angelorum exercitus videtur supra Palatium Constantinopolitanum, & in fugam conijcit castra Gainæ tyranni. 10

Apparet Angelus inter duodecim pauperes accumbentes cum S. Gregorio. 44

Romæ cernitur Angelus supra molem Adriani Cæsaris, & precibus eiusdem Papæ Gregorij mitigatus gladium in vaginam recondit. 376

Angelus prænuntiare volens ruinam Angliæ supra altare omnibus conspicientibus nudum ensen vibrat. *ibid.*

Angelus ad instar ducis apparet Balduino, & exercitum ipsius incolumem dirigit Ierosolymam. 11

Exclamabant Angeli ante excidium

ANGELORVM. 219

dium Ierosolymitanum, migremus
hinc. 13

Apparet Archangelus Michae in
monte Gargano .ibid.

Gertrudis aliquot Angelos vidit
tueri templum. 14

Apparens alius supra altare testa-
tur eum locum sibi fuisse datum in
custodiam. 134

Conspicit Abbas Leontius Ange-
lū custodē certi cuiusdā altaris. ibi.

Angelus deuoto cuidam Christi-
ano alapam impingit quia non vita-
uerat occasionem peccati. 47.48

Apparet Angelus, & iuuenem quē-
dam à cede quam animo designauerat
dehortatur. 142.143

Infiniti Angeli sole clariores vi-
sibiliter accelerant ad defensionem
Abbatis Moyfis. 91

Apparet Angelus B. Onuphrio,
dicens, se vsque ab articulo natiui-
tatis eum peculiari custodia prote-
xisse. 115

Angelus mirâ luce indutus appa-
ret infirmo, eumq; solatur. 117

Cur Angeli alati pingantur se-
cun-

M

cun-

240 APPARITIONES

cundum pedes, vide fol. 96

Petrus Coelestinus castigatur ab Angelo ob nescio quas leuitates pueriles 150

Apparet dæmon Sauli sub specie Samuelis. 201

Dæmon coram Deo prodiens promittit se decepturum Achab. 199

ELENCHVS EXEMPLORUM, aliarumq; memorabilium rerum, qua per Angelos confecta sunt.

Deuotio Emanuelis Portugallie Regis erga Angelos. 12

Duo Angeli quasi totidem primores ciuitatis foeminam quandam è baptismo suscipiunt. 50. 51

Angelus Eremitæ cuidam ægro- tanti vsque ad mortem seruit. 58

Angelus Monachi cuiusdam a- quam de longè afferētis omnes pas- lus dinumerat. 59

Angelus quolibet diè mane ac ve- speris cum Guthlaco monacho col- loquitur. 60

Angelus Laphardum Monachum ad cor-

ad cęmeterium deducit, & monstrādo illi putrefacta cadauera, cogitationem de deserendo monasterio eximit. 62

Videt sanctus quidam senex Angelos appropinquātes vbi monachi sermonem miscebant de reb⁹ spiritualib. abeuntes autem, & eorum loco succedentes dæmones si tractarent de inutilibus & impuris. 64

S. Agatha in Angelo confisa flammam irridet. 66

S. Franciscę viduę Romanę adhęsit ad custodiam Archangelu, & pręter hunc alius insuper ex quarto choro. 72

Abbas Theodosius in arenam descendens contra Sathanam ab Angelo defenditur & coronatur. 88

Abbas Moyses, cum graui percelleretur tentatione, visione Angelicę corroboratus vicit. 90. 91

Angelus B. Onuphrium in solitudine deambulātem consolatur, dirigit, & illuminat. 115

Repręsentat Angelus ægroto cuidam, quo animum resumeret, mon-

242 APPARITIONES
tes margaritis & auro coopertos.
117

Diuus Ioannes ex ordine Canonico-
rum Regul. tribus ante mortem
diebus Angelos videt & iucundiffi-
mè salutat. 118

Sanctus Nicolaus Tolentinus
sex ante mortem mensibus re-
creatur concentu Angelico. ibi-
dem.

Anima B. V. Vilhelmi Abbatis duo-
rum Angelorum manibus in coelum
eleuatur. 119

Paulus Eremita ad Paradisum mi-
grat inter Angelorum choros, vi-
dente Antonio. 120

S. Benedictus animam Germani
Episcopi inter Angelos conspicatur
esse. 121

S. Fulgentius vidit per Angelos tol-
li in coelum duos lectos in quibus to-
tidem sancti recumberent. 122

Beata Ioanna Vrbeuerana puellu-
la utroque orbata parente ostendit
Angelum in pariete delineatum di-
cens, hunc sibi in matrem esse.
123

Ange-

ANGELORVM. 248

Angelus apparens B. Iacobo Germano, mirè à dæmonibus diuexato suauiffimè eum consolatur.

148

Angelus Isaac filio Abrahamæ de uxore prospicit. 49. & 158. 159

Liberat Angelus S. Felicem è carcere.

162

Videt eximius quidam Pater in usitata staturæ dæmonem ab alijs diabolis rationem exigere, de malis quæ eadem die procurauerant.

197

Decipit dæmon Saulem specie pietatis, dum Regi Achab vitam donat.

199

Idem diabolus Achab illudit operâ falforum Prophetarum.

200

Decipit tandem Anachoretam quendam specie pietatis, cum hic peregrinationis comitem se adiungeret ignotæ puellæ.

209

Duo exempla recentia de Angelo Custode. fol.

117. 143

FINIS.

M 3

INDEX